

集身中靈官護法將吏隨行以布威儀神
自長伏

諸應法官早朝取服旺氣作用奏書設醮不
得燒乳香

諸應世間人命稟天注壽祿如經本院拯救
所病不起即是數盡劫終此即不可行移
文字必為虛設

諸應拯濟世人行遣文理不得繁雜可直言
至誠之事仍聲說前人性命繫係天司奪
祿減算乞不在今來所陳之限明乞報應

諸授披訴狂邪杖怪者法官變神受詞押印
違行

諸應應設許奏
三清玉帝錢馬外非時不得輒有褻瀆焚
奏錢馬先以鎮信絲繪同化差功曹直符

齋送
諸應應奏於
三清玉帝位傍列抹訪使者一位餘位不
得近帝座

諸應入靖燒香行事修寫法中文字先以斗

蓋勿視凡目諸被告訴致死而來呼蒸者
以隨蓋鎮之

諸應治牛馬六畜溫者問所損過數牒年王
神驅之

諸應授質信量其至誠收售之價錢為三分
許用一置供獻一施貧者一即贖道

諸立獄治病移文不伏者並攝囚治之
諸應魁亂發魔心腎虛困者施符錄吞佩鎮
之

諸應治小兒驚叫夜啼安寢寤神四天王
飛天捷疾神以三光符治之

諸應行法官逐日拯救世人合用贖道之費
無受民賄自然上天賜祿遇闕即上章表
言誠自有陰助更無乏少如輒受民物則
世用不敷

諸人家龜鋪營業被邪厭閉者以三光符遣
神治之

諸應修造營葺之類殊太歲安撫所轄土公
等神無令興害

諸應有怪異於敗塘堤岸以至修築不常非

時為害損壞者要當處土地驅逐離彼仍
以三光符鎮之違而不去者依法理斷

諸遇瘟疫流行人罹疾苦依格劄委土地等
神外牒年王神收回毒氣合飛奏者本院
官為步變神默言口章以聞諸孤民不宜

男女貧無嗣息先以法退三刑六害星仍
以蘇佩

諸應世人所居不利陰陽不和上下寇害連
年因篤累歲巡運者授之以正錄

諸傳度正法官受戒儀云夫道行己而為人
所以能化其道者寔由心之正也正心而
明可持心以度人人無不正也故萬法因
心而生因心而化能正己之心上合天心
則未有不蒙其正焉行己之道以正其邪
而邪莫不由伏焉然邪曲之行況因心之

不正而為外物誘之因外邪之所蔽而內
有所不明則正性缺然而昧邪馳騁敗壞
令人心發狂是為外物蔽之如飲酒之蕩
正性色慾之汨真情財利以忘仁義愛惡
以成是非皆緣情而迷至理是謂大患仍

上帝驅瘟邪斷怪祟須先戴三台北斗變為驅邪院使

諸朝見

上帝奏請卑即詣天樞院都領四天王十二大神八金剛六丁六甲天蓬天猷元帥

火鈴將軍五雷風雨神直出天門

諸立獄須奏聞申泰山具事儀稱述已於某月日於某方立建天獄奏

上帝言五斗獄

式十二條

諸造驅邪院印方一寸八分以金王為之篆以天文雷霹木造者名六丁六甲使者結界守

護置訖以紅朱傳印面上先闌上界唐造印記

此吹同所授官花押字樣關東獄照會訖方得使用



臣天曹受真人指示得天篆驅邪院并都天大法主星印二面磨本院經於地遠以印二分對今世間所用大尺一寸八分即小尺二寸一分其尺二寸四分皆同也其分寸上天法式數度所表使鬼神不測於毫髮之內故標於此為法定制

諸承天文符籙以天德月德水六丁六甲之

筆黑帝墨太陽靈朱五龍寶硯一如傳度法訣收取奏上界訖方得行用

諸應伏兇猛鬼神切莫委差神將仍左右拍局邪訣又以左右斗蓋之己身宣教云汝

過罪已疏之吾以救民為心

諸應奏醮為人穰災先奏星宿真君科狀後坐穰弟子穰災集福延齡命素代乞衣祿

虔誠置備知鑒達誠

諸應上清罡步念斗呪至天罡住便彈印訣却用天罡印指出若以符中呪唯是斗以

貪狼星起之

諸祭神以春夏秋冬四季六甲等日記之春六甲夏六丙秋六庚冬六癸日於門戶外

以齋果香菓湯三分供養三界直符四直功曹一立土也先七土也錢後具建情意云吾奉

玉皇敕佐天行化助國濟民凡行符法斷

絕為禍邪祟治病扶危作福祈祥皆憑使

者通達上下諸位聖眾今日齋備酒果錢馬以伸酬禮伏望使者恩慈大有威光特

垂靈祐次三上酒化錢念咒普功曹云吾

開風修大道今作至神莫不以功行居先

救民是切故顯幽赴冥出水入火變現千

途威通萬狀荷戈掛甲負鼓擊鐘出沒縱

橫來去無礙邪魔聞之膽碎病者見之安

寧吾以正法降魔用汝威靈伏助收伏鬼

祟斷絕禍源福及良民功歸善道今以祭

禮略報神勲少謝功勤際勞戮力伏請各

各醉飽

誓神將文

汝等各宜醉飽酒飯整肅威儀具嚴天戒

祇畏帝命奮威武之柄致平定之功嘉績

有成明教響答春容東嶽差來神將吏兵

眾素歸神武風臨機謀聞望清嚴儀德英

偉響應鎮嶽之命來專討伐之權震動則

光懸裂形眈睨則風雲變色靈戈所指大

惡無前輔國救民濟時利物推心事道宜

莫好功當院早膺仙結素被道麻諶叨天

吏之權惟藉至神之祐上則鎮身保命學

道事天資我身真莫膺天爵中則顯揚聖

化昭布陰功推此威靈願成績緒下則救人利物治病去邪誅翦光祿粵隆福泰庶使累成善效響應幽微德著而汝等同分其利功成而汝等共享其榮盡舉當世之便宜共望正法之趨冠利而不害威而有

懲凡事屬中失順害物違天致討行誅芟邪輔正以神功而勝凶德以妙化而勝姦謀其何以當人孰能禦惟爾有神輔我大道急急如律令

諸應神將吏兵以法訣付囑常當守護行持

正法榜式

北極驅邪院

當院見管押將吏兵等係奉

玉帝敕命差撥赴本院護法行化助國濟民

救度羣品咸歸正道切慮不知本院有天

印方一寸八分或方二寸一分或方三寸

或方五寸管轄天兵百千億萬級印篆一

毫一紋容隱三十六萬級兵將隨吾印轉

邪魔聞之膽碎病者見之安寧

上帝賜之力士捧擎從吾所行印中兵將百

千億萬級來往如風無形無迹變化不窮隱吾印中召之則至或見大身徧滿虛空頭戴崑崙肩擔日月手把帝鏡足踏雲龍或見小身入微塵中於絲髮內視大威通護持正法千變萬化被度有情不自伐功

玄妙之力道法無窮切恐所管神將吏兵等不知有此法令故意違慢違汝受罪不輕當院令將天兵將吏撤兵將吏分屯番次准備緩急使喚如聞當院呼召急須速至如不係當番或不呼召並仰潛隱六合之內自隱自伏具下項

一天兵將吏等常切准備呼召如不呼

召不得擅離天界南斗天兵三千六

百人黑殺神兵五萬人北斗部兵將

三五部兵將正一部兵將放光部

兵將天丁衆神力士衆神金剛衆神

大明衆神飛龍騎吏一千人斬龍騎

吏一千人決龍騎吏一千人統兵助

法神將二員

一泰山差到兵將仰分作兩番每一日

一替參隨當院行法官出入遇有急速幹事不在此限仍只得於本院安泊無輒慢易仍委自統兵助法神將常切提轄統兵神將一員助法神將一員馬步兵若干人開東森開到人數

右伴兵將神吏等今出榜曉諭仰詳前項指揮遵依奉行如稍有違必無輕恕汝等有功即當賞擢具奏

上界賜之恩果的無虛示各宜知悉

某年某月某日榜

具銜位姓 押

弟子授師傳法詞

某州縣鄉坊村里住姓某

右某本命年月日時生所屬

北斗某星君謹齋黃金九兩金銀一對命書

一端以代質信青絲四兩以代剪髮丹砂七

兩以代歃血捧詣

法師某門下求校

天心正法意欲助天行化為國救民以某竊觀浮世之數常憂危脆之身愧除害以不能

思與利而無術操修既怠惶恐且深望期多劫而來以慶今辰之會伏聞

某人不掩玄都之路特揚

太上之風抱行持一法之心增光道教垂拔

度羣生之手拆破塵籠願持枯朽之根上賴

栽培之力其於行己宜敢為非苟忘教育之

息甘受沈淪之苦輪回得度竭志兼修玄運

相違盡心報答伏望

某人大開慈造少鑒微誠塵清之詞乞垂憫

念下情無任望恩之至謹詞

某年某月某日

弟子求保舉師狀

某州縣鄉坊里住姓某

石某昨於某年月日具詞躬詣

上清法師某入門下求授

天心正法一部志願助

天行化佐

國救民治病扶危斷絕邪祟已蒙許賜起日

奏名奉

命依法訪尋有道名師保舉傳授竊念某生

身幸處於中華存心久稔於象外尋師屢訪於知己傾誠始遇於明人比者伏惟

某入得法至精興揚

大道救民極切拯濟殊深某謹投

某人願求保舉僕蒙收錄則某豈不堅心尅

志鍊骨銘髓至願修行上報提拔之賜不勝

幸甚謹具狀告

聞伏候

法音

某年某月某日某處住姓某狀

新授正法人給板符鐵券武夫板符

高九寸五寸應身五體四寸奉身四

靈長四尺九寸長四寸九寸九寸以黃

花繪赤為之今行法之人多使柏木

為符鐵板為券此皆不然以俗世所

見非合仙旨板符則與板符契之乃

義與券則皆堅硬則與之不相也乃

大仙說公所傳

之完錄之于後

救三台門下

驅邪院右判官某人行持

天心正法事准

玉帝敕賜汝仰依教行持除邪輔正利濟羣

生開揚大道動合天心慎勿邪姓欺濫恭

孝二親敬奉師長和睦六親勿隨勢利無傳非人若不依從今汝臨事不神

三官考錄功過依法賞罰者



嗟呼味東神稽首邪魔歸正敢有惡逆碎

作微塵

太微上帝救急急如律令

四天門王八大金剛五部大輪王十方護

法神四天三界符籙內東星都大神仙六

丁六甲玄武大聖天丁力士風伯雨師五

雷使者五嶽聖帝四瀆大王洞府名山宮

廟五遁等神天兵將吏獄兵將吏等宜各

依准

上帝板符鐵券常切護功誅滅邪魔去病除

妖其兇猛邪神輒敢違戾碎如微塵奉

教符到急急如律令

右以爾忠厚之資祥和之質深勵趣真之志

堅索濟物之心須戒恭以修身協真言之美
讚尚宜知悉

某年某月某日

具保舉傳度師銜位臣姓某奉行

三天扶教大法師正一真人靜應真君臣張遵度

新授正法人補驅邪院官告式

教三台門下

據驅邪院某官姓某保奏某人稟性純素

守善存心每崇奉於高真帝歸依於

大道頗有助國救民之志願欲傳授天心正

法符錄保身護命位

天行道利濟羣生某人年若干歲甲子某

月日時生上屬

北斗某星君躬侯

俯報者



惟三天正法萬道同歸矧吾言之易行豈

汝心之難勉宜補北極驅邪院右判官同
勾院事准式以聞

右牒奉

上清玉帝

教符到奉行

某甲子年月日

具傳度法師全銜臣姓某 詣行

三天扶教大法師正一真人靜應真君臣張遵

新補驅邪院官受法報應謝表式

具位臣某誠惶誠恐頓首頓首再拜

上言臣聞

大道無形育包萬化

上德不宰運轉三元庶彙成彰最靈居首

不二之法非離乎本守一之要盡出於誠

自顧凡材獲參

仙品臣誠惶誠恐頓首頓首恭惟

玉清聖境元始天尊

上清真境靈寶天尊

太清仙境道德天尊

闕天御曆

教符為九百九十九億萬之

道君闕地亦明龍漢乃十號十真百靈源

之

經寶

三天正法

五帝真符布化降禪

垂光應物臣居凡賤叨奉

至猷獲脫塵寰喜厠

仙籍敢不上遵

天戒下盡人情救苦為心報

思是切謹具表

謝冒瀆

天威下情無任望

聖激切屏營之至臣某誠惶誠恐頓首頓

首謹言

某歲某月某日具位臣姓某 上表

上清骨髓靈文鬼律卷下